

Julio Iglesias aske



Julio Iglesias bere osaba Ikusi enpresako nagusiarekin ostiral gauerdian etxe ondoan.

EFE

Zulo estu batean mugitu ezinik egon da 177 egun

DONOSTIA

Donostiarako bidean, bahitzaileek bere etxeko garajeaz atzeman zutela kontatu zion Iglesiasek Gimenez taxistari. Go-goan zuen bahitzaileak zain zedula eta autoan sartu zutela, baina ez zen oroitzen gordeta eduki duten lekura, «zulo puto hartara», iritsi arte gertatutakoaz. Lau hilabetez bere 'etxea' izan den zuloan apenas zeukan zutik jarzterik edo mugituz, 1,80 metroko altuera eta 1,60ko zabalera baitzuen.

Bahitzaileek beraiek aukeratuak albisteak bakarrik ematen zizkioten. Horrela, Iglesiasek Gurutze Iantzi eta Xabier Karparsoren heriotzen eta ETaren atentatuaren berri izan zuen, mozutako egunkarien bidez, baina ez zekien ezer bere askapena eskatzeko egindako mobilizazioez. Gimenezek berak esan zion Donostian izugarritzko jendetza bildu zela bere askapenaren eske eta lazo urdinaren ekimenaren berri ere eman zion.

Iglesiasek taxistari azaldu zionez, bahitzaileekin zenbait eztabaida izan zituen eta batzuetan aurre egin zien. Zenbait une zailak eta gogorrak izan omen ziren, Iantziaren eta Karparsoren heriotzak gertatu zirenean kasu. Ikusiko ingeniariak aitortu duenez, beldur izan zen orduan.

Bestalde, Iglesiasen askatzearen berri izatean, Ikusi enpresako langileak Martuteneko lantegian bildu ziren bahiketaren amaiera ospatzeko. Langile gehin-gehienek irratia eta telebistastaren bidez eduki zuten beren lankidearen askatzearen berri. Lantegian dena «poza» eta «euforia» izan ziren nagusi. Jakinaenez, Ikusiko langileak mobilizazio ugari antolatu dute bahiketaren iraun duen bitartean Julio Iglesiasen askapena eskatzeko.



Jose Alfonso Gimenez.

EFE

Eibarren askatu zuten

Iglesias ordubete egon zen jatetxe batean, baina ez zuen inork ezagutu

Julio Iglesias Zamora Arrateko pinudi batean askatu zuten, Eibarren, herenegun arratsaldeko zortzi t'erdietan. Ia lau hilabetez bahitua eduki duten arren, itxura ona zeukan eta bere kabuz iritsi zen inguruko jatetxe batera. Ikusiko taxista bati deitu zion eta gauerdirako Donostiako bere etxean zegoen.

DONOSTIA

Eibarreko inguru hori bigarren aldiz erabili du ETak bahitu bat askatzeko, orain zazpi urte pinuditik hurbil dagoen Itur Buru ikastolan askatu baitzuen Jaime Caballero enpresaria ere.

Julio Iglesias libre utzi aurretik, bahitzaileek ziztatu egin zuten eta autotik jaisteko agindu zioten, handik hurbil jendea aurkituko zuela esanez. Iglesiasek pixka bat itxaron zuen, ziztadaren eragina pasatu arte, eta bere kabuz iritsi zen, hamarrak aldera, Arrateko Cantabria jatetxera. Txandala eta anorak urdina jantzita, jatetxera sartu eta ura eta patata frijituak eskatu zituen. Jatetxean 25 lagun inguru zeuden, baina inork ez zuen ezagutu Iglesias.

DYA jakinaren ganean zegoen ordurako. Norbaitek ETaren izenean deitu zion bederatzia eta bostean, Julio Iglesias Arraten askatu zutelako esateko. DYAkook Arrate inguruan ibili

ziren, Iglesias aurkitu gabe ordea.

Bitartean, Iglesiasek bi telefono dei egin zituen. Lehenengo Jose Alfonso Jimenez Ikusi enpresako taxistari deitu zion, bere bila joan zedin eskatzeko. Taxista hamaikak laurden gutxitan azaldu zen. Hunkitua, besarkada handia eman zion —horretxek piztu zituen bere nortasunari buruzko susmoak— eta berehala irten zuten jatetxetik. Mercedes zurian sartu eta Donostiarantz abiatu ziren elkarrekin. Ordubete egin zuten bidaia eta gauerdian

dirako Carlos I kaleko 16. zenbakian zeuden, Marisa Lizeaga bere emaztearekin eta beste zenbait seniderekin. Angel Iglesias Ikusi enpresako nagusiak etxera sartu baino lehen, oraindik kalean zedula, besarkatu zuen bere iloba.

Iglesias heldu aurretik Amara auzoko etxea inguratu zuen Poliziak eta jende ugari hurbildu zen, Iglesias ikusi nahian. Bizarra kendu eta jantziak aldatu eta gero, balkoira irten zuen emaztea alboan zuela. Minutu gutxi batzuk eman zituen balkoian, behean txaloka eta 'Julio! Julio!'

oihuka ari zen jendea agurtzen.

Antonio Elozegi familiaren bozeramailearen arabera, Iglesiasen osasun egoera ona da eta badirudi ongi eraman duela 117 eguneko bahiketa luzea. «Itxura ona dauka, sendo ikusten zaio», esan zuen Elosegik. Iglesiasen askatzeak ustekabearen harpatu zuen familia, «oraindik ez dute erreakzionatu, ezin dute sinetsi amesgaizto hau bukatu dela...», zioen bozeramaileak. Izan ere, ostiral goizean bahitua hilda egon zitekeela zabaldu zen eta familia etsita zegoen.

«Julio zara?»

LOINAZ AGIRRE / EIBAR

«Hamarrak inguru ziren Julio Cantabriara heldu zenean. Botila bat ur eskatu eta bi telefono dei egin zituen. Eta gero tabernako telefonoaren zenbakia eskatu zidan eta handik denbora gutxira emakume batek deitu eta Julio ea hemen zegoen galdetu zidan. Julio zara? galdetu nion eta telefonoan jarri zen», azaldu zion atzo EGUNKARIARI Elixabet Bergara Cantabria jatetxeko zerbitzariak.

Patata frijitu poltsa bat, pare bat frito eta beste botila bat ur eskatu ondoren, itxaron egin behar zuela eta, egunkari bat eskatu zion Julio Iglesiasen Elixabet

Bergarari. «Ez zen geldirik egoten; eseri egiten zen, zutitu egiten zen, ate aldera joaten zen... Oso urduri zegoen; jende guztiari begiratzen zion», zehaztu zuen zerbitzariak.

Ilea eta bizarra moztuta, zamarra urdina, txandal berde iluna eta zapatila zuriak zituen Julio Iglesiasen Cantabriara iritsi zen unean. Dozena bat lagun afaltzen ari ziren eta zerbitzaria bezalaxe, beraiek ere ez ziren konturatu beraien aurrean zegoen gizonezko bahitutako ingeniaria zela. «Hiru ordu laurden geroago gizon ezko bat etorri zen eta mostradorera begiratu zuen. Julio, ordea, eserita zegoen; Julio jeiki eta elkar besarkatu zuten, hitzerdi bat ere

esan gabe. Berehala korrika alde egin zuten Mercedes zuri batean eta jendea orduan konturatu zen Julio zela», adierazi zuen Elixabet Bergarak.

Ertzainak eta DYA azaldu ziren laster batean Cantabriara eta zerbitzariaren esanetan, «guk ikusi genuena kontatu genien. Afaltzen ari zen batek autoaren matrikula hartu zuen eta Ertzainak berehala baieztatu zuen Ikusiko taxista zela. Julio zen».

Afaltzen ari ziren lagunaren artean Esteban Larrañaga Trikitilarien Federazioko Lehendakaria zegoen eta hain urduri zegoen gizon hura, Julio, poliziaren bat izan zitekeela uste izan zuen hasiera batean.